


FREE DISTRIBUTION

DAR AL BER SOCIETY



KO SE KRIJE IZA AHMEDIIJA



Džema'at «SABUR» München
Landsbergerstr. 79
80339 München
Tel.: 089/ 50 64 95
Fax: 089/ 500 43 16

Redakcijski kolegij «AN-NUR»:
Imam Fikret Arnaut
Šaban Musoski
Selver Perijan
Ljubijankić Hamdija

Tehnička obrada:
Nevres Civić

Tiraž: 5000

Alle Rechte vorbehalten!

Štampa:
"dogan" Nürnberg

KO SE KRIJE IZA AHMEDIJA? ISLAMSKI STAV O KADIJANIJSKOJ I AHMEDIJSKOJ SEKTI

Uvod

Hvala Allahu, Gospodaru svjetova, Sveopćem Dobročinitelju Milostivom, Vladaru Sudnjeg dana. Neka je Allahov mir-selam na posljednjeg Njegovog Poslanika, poslije kojeg neće biti Poslanika, na njegove ashabe, porodicu i sve njegove časne sljedbenike do Sudnjeg dana.

Hvala Uzvišenom Allahu dž.š. koji je rekao o svom posljednjem Poslaniku, a.s.: *"Muhammed nije roditelj ni jednom od vaših ljudi, nego je Allahov Poslanik i posljednji vjervjesnik, a Allah sve dobro zna."*(el-Ahzab 40) i: *"Vi u Allahovom Poslaniku imate divan uzor za onoga koji se nada Allahovoj milosti i nagradi na onom svijetu, i koji često Allaha spominje."*(el-Ahzab, 21)

Objavio nam je ove riječi iz milosti svoje neizmjerne da bi sljedbenici časnog Allahovog Poslanika, posljednjeg Allahovog vjerovjesnika, bili na jasnoj stazi njegovog učenja i da se ne ostavi nimalo prostora neprijateljima islama da iskrive originalnu izvornu sliku islama.

Draga braćo, želimo u ovom djelu da vas upoznamo sa učenjem jedne sekte koja je postala i zasnovana na temelju mržnje prema islamu - posebno mržnje prema Poslaniku Muhammedu, a.s., da bi slabila moć islama i uništavala ga iznutra.

Naši bosansko hercegovački muslimani su objekat negativnog djelovanja ovih sektaša u ovom vremenu patnje i teškoća koje su se spustile na glavu našeg naroda. Radi se o sekti Kadijanija ili što him je češći naziv u Evropi "Ahmedije". Oni se predstavljaju našim muslimanima da su him braća i da žele samo pomoći muslimanima. Međutim oni šire svoju crnu zločudnu mrežu u koju kada se upetlja neko od muslimana teško se može ispetljati.

Želja nam je u ovom djelu koje je pred tobom, dragu čitaoče, da te upoznamo i istovremeno upozorimo od utjecaja ove sekte.

U ovoj knjižici zastupljeni su čisto islamski stavovi i mišljenja mjerodavnih i poznatih islamskih učenjaka. U djelu je korištena naučna metoda, gdje se tačno navodi svaki citat i podatak koji je spomenut i zastupljen kroz djelo. Knjiga je namjenjena našim muslimanima u Njemačkoj i drugim evropskim zemljama, gdje je primjetan veliki utjecaj i aktivnosti "Ahmedija" među našim muhadžirima. Oni prilikom posjete kampovima gdje se nalaze naši muhadžiri prvo podjele određene hedije u slatkišima i sl. a zatim podjele pristupnicu u sektu "Ahmedija", koju muhadžiri treba da popune i potpišu.

Mnogi naši djedovi i nene i ne znaju šta potpisuju i nisu svjesni da tako ulaze u članstvo jedne sekte, čiji članovi su nevjernici po islamskom učenju. Osjećamo se dužni kao legitimni predstavnici Islama na ovim područ-

jima, da ukažemo našem narodu i sljedbenicima naše časne vjere na opasnosti koje ih vrebaju sa svake strane.

Malo je ko upućen u to kako se manipuliše podacima i pristupnicama potpisanim od strane naših muslimana koje oni obilato kupe i slažu. Navest ćemo Vam samo jedan podatak: "Nedavno je na satelitskom kanalu koji Ahmedije emituju iz Engleske, objavljena statistika i rečeno **kako se do sada sto pedeset hiljada, bosanskih muslimana uključilo u pokret Ahmedija.**" To bi iskazano drugačijim riječnikom značilo da se navedeni broj bosanskih muslimana otuđilo od vjere islama i postali Ahmedije. A može li biti veća propast od toga?!

Naš narod koji je mahom protjeran sa svojih ognjišta samo zbog toga što pripada Islamu, sada tako lahko postaje žrtva crnih misionara koji mu mjenja vjeru za par slatkiša ili nekoliko novčanica. Da nas dragi Allah sačuva od sličnih iskušenja.

Za sada našem narodu nudimo ovaj prilog, koji smatramo minimalnim, ali vrijeme i uslovi nam ne dozvoljavaju da smo se mogli pozabaviti detaljnijom studijom i publicirati našim muslimanima istinu i stvarnost ove sekte sa jednim opširnijim djelom. To kanimo učiniti u skorijoj budućnosti, inšaallah. Zato do toga neka ovo djelce bude uvod u opširnije upoznavanje sa ovom sektom.

Želja bi nam bila da ono u što kraćem roku prođe kroz ruku svakog našeg muhadžira i muhadžirke. Pa poslije čitanja ove knjižice neka svako sebi odredi stav prema ovoj sekti. Neka svako sam izabere i odluči, da li će ostati iskreni sljedbenik islama kroz slijedenje posljednjeg Allahovog Poslanika Muhammeda, a.s., ili će prihvatiti novog vođu Mirzu Ahmeda Gulamalažnog proroka koji je okarakteriziran od strane islamskih učenjaka murtedom-otpadnikom od vjere. ***"U vjeri nema prisile"***(ajet) ***"Ko želi neku drugu vjeru osim islama, neće mu biti primljena kod Allaha dž.š. i on će biti od onih koji su na propasti.."***(ajet)

Iz velike ljubavi prema Islamu i Poslaniku Muhammedu a.s. poklanjamo ovu knjigu:

- Muslimanima koji su protjerani sa svojih ognjišta, samo zbog toga što su sljedbenici Islama.

- Muslimanima koji tumaraju zemljama kršćanske Evrope, pobjegavši od četničke i ustaške kame, izloženi i tu raznim neprijateljima koji ih žele odvojiti od Islama.

- Nevinim, čistim i bezgriješnim omladincima i omladinkama koji su na meti raznovrsnih sektaša, koji žele da ih pridobiju za sebe kako bi im bili pomagači i protagonisti svojih zabluda.

- Svima onima koji su spremni da za Islam žive, rade i umiru.

"Oni žele da utrnu Allahovo svjetlo ustima svojim, a Allah će učiniti da svjetla Njegova uvijek bude, makar bilo krivo nevjernicima."(Saff 8)

HISTORIJA NASTANKA KADIJANISKO-AHMEDIJSKE SEKTE

Nastanak ovoga, za Islam neprijateljskog pokreta, vezuje se za ličnost Mirzu Gulama Ahmeda. On je rođen u mjestu Kadijan, te prema tome ovaj pokret nosi ime Kadijanije. U odnosu na mjesto njegovog rođenja. Zovu se još i Ahmedije po tome što se osnivač zvao Ahmed.

Ova sekta je nastala na tlu indijskog potkontinenta u vrijeme slabljenja i raspada islamske države koja je bila pod upravom Osmanlija. To je i vrijeme engleske najezde i kolonizacije nekih dijelova islamskog svijeta. Ideja o osnivanju ove sekte je rođena u Londonu - kada su se sastali idejni lideri engleskog kolonijalizma da razmatraju mogućnosti okupacije islamskih teritorija. Bili su svjesni moći Islama. A glavni ključ moći Islama je u jedinstvi njegovih sljedbenika.

Kada su ujedinjeni na temeljima učenja koje im je ostalo od Poslanika Muhammeda a.s muslimani su najopasniji. Istraživali su faktore kojima bi postigli razbijanje muslimanskog jedinstva. Donijeli su zaključak da se osnuje jedna sekta koja bi se svojom vanjštinom i javnim proglasima deklarirala kao muslimanska a u svojoj biti da bude antiislamska. Donijeti su zaključci i izrađeni planovi. Posebne ekspedicije koje su sačinjavali profesionalno stručni ljudi, upućene su u djelove islamskog svijeta koji je bio zacrtan da se okupira i kolonizira. Tako je za područje indijskog potkontinenta predviđena ličnost Mirza Gulam Ahmed el-Kadijani.

Nikao je u porodici koja je radila za engleskog kolonizatora. Otac mu je bio jedan od izdajnika i špijuna za Engleze na uštrb muslimana. Čak i sam Mirza Gulam navodi nešto od tih podataka u svome djelu "*Tuhfetul Kajsarije*"[1]: "Da je njegov otac Gulam Murteda bio u prisnim vezama sa engleskom vladom, čak je imao visoko mjesto kod engleske

vlasti, kada je bio pokušaj rebolucije 1851 g. (revolucija je bila usmjerena protiv Engleza, a njegov otac je bio sa Englezima op. pr.) str. 16.

Englezi su mu nabili na glavu tadž poslanstva. I on je uspješno odrađivao svoj zadatak. Jedne prilike je rekao: "Vidio sam meleka u liku mladog Engleza, koji je u dvadesetoj godini svoga života, sjedio je na stolici i ja sam mu rekao: "Ti si uistinu oličenje ljepote." Rekao je : "Da." [2]

Svoju naklonost Englezima čak nije toliko ni skrivao. Objašnjavao je da mu to dolazi od Boga i on samo ljudima prenosi božije poruke. Kad se u to vrijeme pojavile neke knjige u kojima se vrijeđa naš Poslanik Muhammed a.s. i udara na moral njegovih žena, majki pravovjernih (ummehatu-l-mu'minin) čiji autori su orijentalisti, islamski učenjaci su burno protestovali protiv toga i pripremili su velike demonstracije. Mirza Gulam se oglasio da ne bi smio niko da se digne i demonstrira protiv veličanstvene britanske vlade, koja je mani-

festacija božije sjenke i milosti nad nama. Pozivao je svoje sljedbenike na slijepu pokornost i lojalnost britanskoj vlasti.

ROĐENJE MIRZE GULAMA I NJEGOVA PORODICA

Rođen je 1839 g. u selu Kadijan u porodici koja je mongolskog porijekla. Njegovi preci su doselili iz Semerkanda. Otac mu se zvao Gulam Murteda. U nekim prilikama se predstavljao kao da je perzijskog porijekla. Obe izjave o njegovom porijeklu su zabilježene u njegovim djelima. Vidi se da su to kontradiktorne izjave, koje je koristio zavisno od prilike i situacije.[3]

DJETINJSTVO I OBRAZOVANJE

Početno obrazovanje stekao je u krugu svoje porodice. Učio je nešto arapskog jezika, perzijskog i medicine. Otac mu se bavio sihirom

i vradžbinom. Nikada se intezivno nije bavio naukom hadisa, usula i fikha. Posebnu pažnju je posvetio učenju Engleskog jezika. Ovako skromno obrazovanje je oskudjevajuće za prosječnog čovjeka a kami li za lidera i vjerskog vođu! U njegovim pisanjima pored mnogobrojnih greški u preciznosti podataka i razrješavanju složenih pitanja, primjetne su i greške koje su iz oblasti opšteg obrazovanja i temeljnih stvari. Tako npr. u svome djelu "Bejgum Sulh" str.19, o Poslaniku Muhammedu a.s. kaže: "Kada se je rodio Allahov Poslanik Muhammed a.s. nekoliko dana poslije toga umro mu je otac Abdullah." Mada svako ko imalo pozna osnove islamske historije zna da je otac Muhammeda a.s. umro prije njegovog rođenja.

U drugom djelu "Ajnu-l-Ma'rife", navodi da je Allahov Poslanik Muhammed a.s. imao jedanaest sinova, i svi su mu umrli."[4]

U svim islamskih historijskim djelima se spominje da je Muhammed a.s. imao četiri

sina: Tajjib, Tahir, Kasim i Ibrahim. Trojica prvih su od Hatidže a četvrti od Marije Kobtijje.

Kada se čitaju Mirzina djela može se naći mnogo netačnih i izmišljenih podataka, koji reflektiraju pravu sliku i lik lažnog Proroka Mirzu Gulama i njegovo neznanje.

BOLESTI MIRZE GULAMA

Bolovao je od mnogih bolesti. Imao je polomljenu desnu ruku, kao što navodi njegov sin: "Majka me je obavjestila da je moj otac (Gulam) polomio desnu ruku i ostao je neposoban u njoj do kraja života." [5]

I njegovi zubi su svi bili u lošem stanju. Istruhli su bili toliko da su mu se crvi zakopitili u njegovim zubima. Imao je i epilepsiju. Padao je često u bezsvijesno stanje. Zabilježena je i njegova izjava koju je poslao svome prvom halifi Nuruddinu: "Ne vjerujem da ste i vi dostigli stepen umne nemoći, kao što je mene

zadesilo, a kada sam se oženio bio sam objeđenja da nisam muško." [6]

NJEGOV MORAL

Iako se Mirza Gulam oglašavao sa parolama: "Laž je majka svakog zla." ili "Laž nije ništa manji zločin od otpadništva." [7]

Poznato je da je u kontaktu sa ljudima zabilježeno puno laži sa njegove strane. Lagao je na Allaha dž.š., proglasivši se Poslanikom, kome s objavljuje. Zanegirao je neke Kur'anske ajete. Davao je svoje proizvoljne komentare. Lagao je i na Poslanika Muhammeda a.s. Mi ćemo se za sada zadovoljiti navođenjem samo dva primjera njegovih laži na Poslanika Muhammeda a.s., iako su njegova djela puna takvih primjera.

1) U svom djelu "Izaletu-l-evhan" str. 253, napisao je: "Pitali su Resulullaha o Sudnjem danu, kada će biti? Resulullah a.s. je rekao:

"Sudnji dan će nastupiti stotinu godina nakon ovog dana svim ljudima."

Pogledajmo! Iako se u Kur'anu na više mjesta spominje kako niko ne zna kada će biti Sudnji dan. Takođe i u hadisima Allahova Poslanika Muhammeda a.s. naglašava se da o tome nikome nije dato znanje. Poznat je slučaj kada je Džibril pitao Muhammeda a.s. o Sudnjem danu, rekao je da pitani ništa ne zna više o tome od onoga kiji pita. Dakle, radi se o očitoj laži na Božijeg Poslanika.

2) Slagao je da je Resulullah rekao i ovo: "Kada se spusti kakvo iskušenje na stanovništvo jednog naselja, svi stanovnici moraju odmah napustiti to mjesto, ako ne učine bit će od onih koji se bore protiv Allaha." (Kadijanijski list El-Hikem od 23. 08. 1908 g.)

Poznato je da je Muhammed a.s. rekao: *"Ko slaže na mene namjerno, neka pripremi sebi mjesto u džehennemu."* (Buhari i Muslim)

Ne ima nikave sumnje da je Mirza sa ovakvim nastupima i lažima zaslužio da bude jedan od stanovnika džehenemske vatre. On je brat po profesiji lažnog poslanstva Musejleme Kezzaba, koji se pojavio u Jemenu, u ranom periodu Islama.

NJEGOVA SMRT I ZAVRŠETAK

Nakon mnogobrojnih pokušaja od strane islamskih učenjaka koji su živjeli i djelovali u vrijeme toga lašca, da ga odvrate od laži koje je iznosio na Allaha i Njegova Poslanika i njegovog samoproглаšavanja da je on obećani Mesija-reformator, koji treba da spasi čovječanstvo, nije bilo uspjeha. Sve je bilo uzalud. On je odlučio da do kraja istraje u svojoj misiji. U svome djelovanju imao je neograničenu podršku Engleza. Kao najjači argumen koji je imao i potezao ga kao zadnju kartu bilo je to da je čak javno zazivao na sebe Allahovo prokletstvo i prokletstvo njegovih

meleka i Poslanika, ako ne govori istinu. Taj argument je palio kod određenih slojeva ljudi.

Zabilježena je i publicirana jedna rasprava koja je tekla između njega i velikog islamskog učenjaka, koji je pokrivao područje indijskog potkontinenta, Šejh Senaullah. Među njima je bilo nekoliko usmenih i pismenih rasprava, koje su uvijek završavale pobjedom učenjaka Šejh Senaullaha.

15. aprila 1907 g. Mirza Gulam je napisao pismo Šejhu Senaullahu i ono je objavljeno u nekoliko tadašnjih listova. Radi važnosti njegovog sadržaja i onoga što se je desilo kasnije, mi u cjelosti navodimo to pismo:

Bismillahirrahmanirrahim

Njega hvalimo, i donosimo blagoslove na njegovog Poslanika. Pitaju te da li je On istina, tako mi Gospodara moga, on je zaista istina. (ajet)

Učenjaku, profesoru Senaullahu. Spas neka je na one koji slijede uputu (ovaj pozdrav

je Muhammed a.s. upućivao nevjerničkim valdarima o.pr.)

Dugo vremena se već prozivam u vašem listu imenima. lažac, griješnik, nevjernik isl. Stalno me nazivate Dedždžalem, pokvarenjakom, smutljivcem i dajete do znanja ljudima sve to. Negirate mi moju Mesijsku ulogu. Ja sam mnogo pogođen tvojim takvim stavovima. Ali pošto vidim sebe da sam zadužen da širim istinu a ti je želiš spriječiti da dođe do ljudi, ja proričem i izjavljujem ako sam lažac i smutljivac kako me ti nazivaš u svome listu "Ehlu-l-hadis" neka me Allah uništi u toka tvoga života. Jer ja znam da je uvijek lašca kratak i ne traje dugo.

Lašci umiru sa velikim poniženjem , osramljeni. I u njihovoj smrti je velika korist Allahovim robovima, koje On ne ostavlja u zabludi. A ako ne budem lažac i smutljivac, nego budem častan i iskren i počašćen sa razgovorom sa Allahom i budem obećani Mesija, molim i dozivam da ti ne budeš spašen

od kazne koja će pasti na lažce, u skladu sa Allahovim zakonom. Proričem, ako ti ne umreš za vrijeme moga života kažnjen božijom kaznom, koja dolazi samo od Allaha, kao npr. da umreš od kolere ili kuge, onda ja nisam Poslan od Allaha.

Bože ako sam ja lažac, kazni mene, i neka se raduju sljedbenici Šejha Senaullaha, a ako je on lažac a ja iskreni tvoj Poslanik, onda kazni njega kolerom da umre još za vrijeme moga života. O Allahu, koji si najmilostiviji i koji si svemoćan. Presudi među nama pravednom svojom presudom. I na kraju zamoljavam Šejha Senaullaha da objavi ovo pismo u svome listu i neka odgovori na njega šta god hoće. Allahova odredba je sada u Njegovoj ruci.

Gulam Ahmed. El-Mesih-Obećani Mesija, Allah ga podržao o pomogao!

Slijedi njegov potpis.

Objavljeno 15.aprila 1908 g.

Jasno se vidi iz navedenog pisma da je Mirza tražio od Allaha smrt za onoga ko od njih dvojice nije u pravu. Još se kasnije pozvao da je čak bio nadahnut objavom kada je pisao ovo pismo i da je to sve napisao po božijem diktatu. Tako da njegovi sljedbenici nisu nimalo sumnjali da će biti uništen učenjak Senaullahi.

I zaista Allah dž.š. je presudio i pokazao čovječanstvu ko je lažac. Tačno trinaest mjeseci i deset dana od dana objavljivanja gornjeg pisma, Božija odredba je stigla. Mirza je pogođen zarazom kolere. Nekoliko dana je bolovao od kolere. Sav se je bio usmrdio. Iz usta mu je curila smrdljiva tekućina. Svoju prljavu dušu ispustio je u nužniku. Ako je mislio da se poigrava sa Allahovom vjerom dobio je ono što je zaslužio. Njegova smrt je bila ujutru 26. maja 1908 god. [8]

Istinu je rekao Uzvišeni Allah dž.š.:

"Ko je nepravedniji od onoga koji laži o Allahu iznosi ili koji govori: 'Objavljuje mi se', a ništa mu se ne objavljuje, ili koji kaže:

'I ja ću reći isto onako kao što Allah objavljuje.' A da ti je vidjeti nevjernike u smrtnim mukama, kada meleki budu ispružili ruke svoje prema njima: 'Spasite se ako možete ! Od sada ćete neizdržljivom kaznom biti kažnjeni zato što ste na Allaha ono što nije istina iznosili i što ste se prema ajetima Njegovim oholo ponašali'."[9]

Ostalo je još da spomenemo da je Šejh Senaullah, neka je Allah snjim zadovoljan, poslije toga živio još punih 40 godina. Tako da zahvaljujući njemu i drugim učenjacima, kao što je pjesnik Muhammed Ikbal, Ebu Hasan En-Nedevi, Ebu Ala El-Mevdudi i dr. koji su se snažno suprostavili ovoj sekti da nisu imali skoro nikakve šanse da uzmu jačeg maha u svome širenju.

Sva navedena imena poznatih učenjaka, saglasili su se u otpadništvu od vjere za osnivača i sljedbenike navedene sekte.

NEKI STAVOVI OVE SEKTE KOJI SE KOSE SA STAVOVIMA ISLAMA

1) Mirza Gulam Ahmed je konzumirao opojna alkoholna pića i proglasio ga je dozvoljenim, čak preporučljivim svojim sljedbenicima. A svima je poznato kakav je stav Islama po ovom pitanju. Sva alkoholna pića su kategorički zabranjena.

On je govorio: "Brendi i rum su dvije vrste alkohola dopuštene u bolesti kao i neke druge vrste ako su efikasnije."[10]

Zabilježeno je i svjedočenje njegovog sina: "Moj otac je obilato uživao u opijumu koristeći ga kao lijek. A on je sam rekao:"U opijumu je pola lijeka, dozvoljen je i u njemu nema štete. To je božanski lijek na zemlji. Također ga je koristio i njegov prvi halifa Nuruddin."[11]

2) Poučavao je i pozivao da sa poslanstvom Muhammeda, a.s., nije završen

ciklus Poslanika. Nego da će se Allah dž.š. i dalje javljati ljudima preko svojih novih Poslanika. Sebe je smatrao jednim od Poslanika.

U početku svoje misije govorio je da je samo reformator, obećani Mehdijs, da bi 1891. god. izjavio: "Ja sam poslat od Boga kao što je bio poslan Mesih (Isa) nakon Musa, prvog Božijeg sugovornika. Pošto je došao Muhammed, drugi božiji sugovornik, nužno je bilo da iza njega dođe novi vjerovjesnik koji će naslijediti njegovu nauku kao što je Mesih naslijedio prethodnike. Vrijeme između mene i Muhammeda je srazmjerno između Musa-a i Mesiha, a ono je nastupilo u 14. stoljeću po hidžri."

1900 g. imam Kadijanijske džamije Abdul-Kerim je Mirzu Gulama proglasio za "Božijeg Poslanika" rekavši:

"Ja vjerujem da si ti nebijj i resul. Ako sam u zabludi ti me izbavi. Tu je bio i Mirza Gulam. Mnogi ljudi nisu vjerovali da će ići tako daleko, zbog čega se vodila žučna rasprava. Od

njega su tražili da se izjasni o imamovim riječima, pa je rekao: "Sa ovim čovjekom je podržana moja vjera i misija!" Potom je žurno otišao kući. Svijet je bio nezadovoljan pa su se okupili oko njegove kuće tražeći da izađe i stavr razjasni. On je izašao i citirao je kur'anski ajet: ***"O vjernici, ne dižite vaše glasove iznad glasa Božijeg Poslanika..."*** (Sura el-Hudžurat)

3) Po njihovom mišljenju ostali muslimani su nevjernici i ako se ne uključe u njihovu sektu biće vječno kažnjeni džehhenskom vatrom. Smatraju da je namaz koji se obavi iza imama koji nije Kadijanija-Ahmedija, da je neispravan. Ne klanjaju dženazu drugim muslimanima, jer ih smatraju nevjernicima. Čak sami Mirza Gulam nije klanjao dženazu svome sinu jer je umro kao musliman.

Upitan je njihov drugi halifa da li je dozvoljeno klanjati dženazu malom djetetu koje je od roditelja muslimana. Rekao je: "Ne." Onaj koji je pitao rekao je: "Zar ona nisu bezgriješna, pa zašto im se ne klanja dženaza?" Halifa je

odgovorio: "I kršćanska djeca su bezgriješna pa im se ne klanja dženaza. "Mi klanjamo dženazu samo koje iz naših redova."[12]

4) Dokidanje Džihada kao obaveze muslimanima. Ova tačka njihovog učenja je veoma interesantna. Propagirao je da se muslimani ne smiju boriti. Trebaju njegovati ljubav prema svakome. U svome djelu "Rijaku-l-Kulubi" napisao je: "Veći dio moga životnog vijeka proveo sam podržavajući englesku vlast. Pisao sam knjige o zabrani džihada i dužnosti pokornosti vlastima (u ovom slučaju Englezima).

Broj knjiga i časopisa u kojima su pisani ovi i slični napisi prelazi količinu 50-tak sanduka. Ove knjige su proširene i podjeljene u islamskom svijetu; Egipat, Šam i Turska. Glavni mi je cilj bio da se iskazuje lojalnost i pokornost engleskim vlastima. Rezultati toga su da je na hiljade muslimana odbacilo i zanemarilo ideju džihada koja je izmišljena obaveza nekih suhoparnih učenjaka."[13]

Vjerovatno bi trebalo da je jasno svakome zašto je posebno naglašena ova tačka u njihovom učenju. Neprijatelji Islama se posebno plaše proglašavanja džihada.

PODJELA OVE SEKTE NA DVA DJELA

Kadijanijska sekta je živjela u kompaktnoj zajednici samo za života Gulama Ahmeda, svoga osnivača, ali već po njegovoj smrti izbile su razmirice, neslaganja i borbe oko liderstva ove sekte. Na kraju je jednoglasno bio izabran Hakim Nuriddin za prvog Gulamovog nasljednika, međutim, ta jednoglasnost je bila samo prividna, jer se odmah poslije izbora novog "halife"-nasljednika, nastupile svađe koje su dovele do raskola, u sekti. Podijelili su se u dvije grupe.

Jedna je ostala po imenu Kadijanije, a druga uzela ime Ahmedije.

KADIJANIJE

Ovo je matična kadijanijska sljedba koja i nakon raskola nije mijenjala svoje sjedište niti učenje.

Za svog osnivača priznaju samo Gulam Ahmeda i njemu pripisuju sve zasluge za njihov nastanak, razvoj i postojanje.

Priznaju ga za Mehdiu, mesiju i božijeg poslanika, anjegovo učenje jedinim pravim vjerskim učenjem; njegove knjige su im kodeksi rada i ponašanja, njegov mezar svetište koje hodočaste.

Žive u uvjerenju da je Muhammedova a.s. objava vremenom poprimila niz deformacija i da je bilo nužno slanje novog božijeg poslanika koji će reformisati Islam i postaviti njegovo učenje na "zdrave" temelje.

Svome mesiji pripisuju niz čuda i kerameta, nadnaravnost i veličinu iznad svih božijih Poslanika.

Sa muslimanima ne održavaju nikakve kontakte a služe se najperfidnijim sredstvima na pridobijanju novih članova za svoju vjeru i učenje.

Teološki sustav im je prilično tolerantan i podložan stalnim promjenama, čemu ih je poučio njihov vođa. Osnovno geslo na tom planu je: snalaženje prema mjestu i prilikama. Najjače korijene imaju na području Indije, mada imaju i svojih centara po Evropi i Americi.

AHMEDIJE

Ovo je Lahorski ogranak Kadijanija. I oni se smatraju da su jedini ispravni sljedbenici Gulama Ahmeda, priznajući ga za obnovitelja vjere i reformatora a za širi krug ne spominju da je i poslanik. Poriču da je Isa a.s rođen bez oca i kažu da je jegov otac Jusuf Nedžar; što znači da je nezakonito tj. bludom došao na ovaj svijet. Iznosili su krive interpretacije o Kur'anu u čemu

se posebno ističe Muhammed Aly, prevodilac Kur'ana.

Suštinskih razlika između Kadijanija i Ahmedija ne ima. Kadijanije otvoreno iznose sve karakteristike i učenje svog vođe dok Ahmedije prešućuju brojne njegove gluposti smatrajući da će tako efikasnije prodrijeti među muslimane. Zato se Ahmedije svim silama odriču kadijanizma, ali ne i Mirze Gula Ahmeda i njegovog učenja.

Ahmedije su 1939/40 g. upisale dvojicu svojih misionara na Al-Azhar kako bi stidirajući provodili ahmedijsku agitaciju na ovom čuvenom islamskom univerzitetu. Djelujući u tom pravcu rasturali su među studentima dvije knjige Ta'limu-l-ahmedije i El-Ahmedije kema arefnaha. Nakon otkrivanja tih knjiga i svestrane analize vrhunskih učenjaka izdat je proglas da Ahmedije nisu Muslimani. Taj proglas je objavljen u svim muslimanskim listovima u svijetu. Ova dva studenta su bili porijeklom iz Albanije.[14]

**KUR'ANSKA I HADISKA
POTVRDA ZAVRŠNICE
POSŁANSTVA A POSŁANIKOM
MUHAMMEDOM A.S.**

Allah dž.š. je u suri el-Ahzab rekao:
"Muhammed nije roditelj ni jednom od vaših ljudi, nego je Allahov Poslanik i posljednji vjerovjesnik, a Allah sve dobro zna."[15]

Sejjid Rešid Rida, poznati mufessir u komentaru ovoga ajeta je rekao: "Ajet jasno ukazuje na činjenicu prekidanja objave i poslanstva poslije Muhammeda a.s. Tako da svako ko se pojavi sa tvrdnjom da je novi poslanik, znamo da je to lažac i dedžal. I mnogo je onih koji su poslije Muhammeda a.s. pozivali se na poslanstvo i tvrdili da su poslanici, ali se pojasnila i obejanila njihova laž." [16]

Ahmed ibn Hanbel je u svome Musnedu zabilježio hadis ispravnog seneda (lanca prenosilaca) od Malik ibn Enesa da je Allahov Poslanik Muhammed a.s. rekao: "Uistinu je

risalet i nubuvet prestao i poslije mene ne ima više ni Resula ni nebijja."[17]

Resul je poslanik koji prima novu knjigu od Allaha dž.š. i novi zakon, a Nebijj je svaki poslanik kome se Allah dž.š. javio i nije uslov da dobiva novu knjigu i novi zakon. Zato učenjaci Akaida, kažu da je svaki Resul Nebijj, a nije svaki Nebijj Resul.

**PISMO KOJE JE BOSANSKA
ISLAMSKA ZAJEDNICA
"SABUR" IZ MINHENA
UPUTILA MUHADŽIRIMA
KAO REAKCIJU NA VIJEST
DA SE AHMEDIJE VRZMAJU
OKO NAŠIH MUHADŽIRA**

Bismillahirrahmanirrahim

*Braćo muslimani i sestre muslimanke!
Dragi naši zemljaci!*

Esselamu alejkum !

Osjećam se dužnim da vam se javim ovim pismom, da znate ipak da neko i na vas misli i da niste sami. Ono što nas je sve zajednički zadesilo, je bolno, teško i skoro nepodnošljivo. Nas, muslimane iz lijepe nam domovine Bosne i Hercegovine ubijaju, protjeruju, uništavaju..... Zašto???

Vjerujte mi draga moja braćo i sestre ni zbog čega drugog nego upravo što smo mi muslimani-vjernici u Allaha i Njegova Poslanika i što smo sljedbenici Islama. ^asno je biti musliman. Oni koji se ne pokolebaju i ostanu vjerni sljedbenici Islama, Allah dž.š. će ih obilato nagraditi.

*Dragi naši muslimani! Izloženi ste najvećim iskušenjima, protjerani ste sa vaših ognjišta, ovdje ste izloženi raznim vidovima poniženja, ali vjerujte ako istrajete na islamskom vjerovanju, sačuvat ćete čast i dostojanstvo. Poslušajte šta nam naš Gospodar Allah dž.š. obećava u Kur'anu: "**Onima koji se ise le i koji budu iz zavičaja svoga prognani i***

koji budu na putu Mome mučeni i koji se budu borili i poginuli, sigurno ću preko hrđavih djela njihovih preći i sigurno ću ih u džennetske bašće, kroz koje će rijeke teći, uvesti;nagrada će to od Allaha biti. A u Allaha je nagrada najljepša."

/Kur'an 3:195 /

Draga naša braćo! Već ste sigurno imali priliku da Vas posjećuju u vašim kampovima i logorima, gdje privremeno boravite, predstavnici raznih vjera i sekti. Znajte, draga braćo, da je kod Allaha priznata samo vjera Islam i da oni koji budu željeli drugu vjeru, neće im kod Allaha biti primljena i takvi će na onom svjetu biti na propasti. Izgubit će sve.

Mnoge antiislamske organizacije, udruženja, religije i sekte vide u našem jadnom finom bosanskom, muslimanskom narodu žrtve na kojima eksperimentišu, pozivajući ih u svoje redove. Vi, braćo i sestre koji ste protjerani sa vaših ognjišta sami i isključivo radi toga što ste

muslimani, i sada ste ovdje u Njemačkoj i drugim evropskim zemljama, zar ćete sada da ostavite i napustite Islam i time izgubite i ovaj i onaj svijet?!

Željeli bi draga braćo muslimani i muslimanke da Vam posebno skrenemo pažnju na misionare jedne sekte koji se zovu "AHMEDIJE", a predstavljaju se da su muslimani i sljedbenici Islama. Svi islamski učenjaci su se saglasili da su oni svojim učenjem izašli iz okvira Islama i smatraju se Kjafirima-nevjernicima. Oni pokušavaju da zavode muslimane sa pravog puta i uključe ih u svoje redove. Osnivač ove sekte koja se javila u Indiji Mirza Gulam Ahmed je bio veliki protivnik Islama i islamskog učenja i kolonizatori su ga pomogli da razvije svoje učenje a glavni cilj iza toga jeste napadanje Islama i slabljenje snage muslimana iz unutrašnjih redova. Muhammed a.s. je posljednji Allahov Poslanik, došao je sa Kur'anom, neće biti Poslanika poslije njega, a

oni koji se budu proglašavali takvima to su Dedžali-lašci o kojima nas je naš Poslanik obavjestio da će ih biti poslije njega. Jedan od takvih lažnih Poslanika je bio Musejleme Kezzab koji se pojavio u Jemenu.

Također jedan od tih lažaca je Mirza Gulam Ahmed, koga njegovi sljedbenici slijede i smatraju se muslimanima. Onaj od muslimana koji stupi s njima i uključi se u njihov red prestaje biti musliman i prema njemu se poduzima sljedeće:

-Ne smije se sahraniti po islamskim propisima, niti se ukopati u muslimansko greblje.

-Sa takvim ne može biti muslimanka u braćnoj vezi.

-Musliman-vjernik ne može oženiti djevojku koja je ušla u Ahmedijsku sektu, niti se djevojka-muslimanka može udati po islamskim propisima za mladića koji je ušao u ovu sektu.

- Također meso koje zakolje Ahmedija nije dozvoljeno muslimanu da jede, jer se smatra kjafirom.

-Obavljanje obreda u njihovim bogomoljama koje oni nazivaju džamijama nije dozvoljeno. Namaz koji se klanja u njihovim prostorijama i na način kako ga oni klanjaju je pokvaren i ne prima se kod Allaha dž.š.

*Draga naša braćo i sestre, muslimani iz Bosne i Hercegovine, želimo Vas ovim putem upoznati da u Minhenu postoji vaša i naša **BOSANSKA ISLAMSKA ZAJEDNICA**, kojoj se možete obratiti za sve vaše potrebe i u svako doba. Tu se obavljaju islamski propisi i dužnosti:klanjanje namaza, poučavanje mladih i odraslih Islamu i propisima i druge aktivnosti u skladu sa islamskim propisima.*

Već raspoložemo podacima da su Ahmedije, angažovale određen broj naših ljudi koji su otpadnici od Islama i izdajnici našeg muslimanskog naroda i rade za njih.

Nekima su obećali da će im dodijeliti stanove i dobre plate, ako učlane u Ahmedije veći broj naših muhadžira; muslimana i muslimanki.

Zato vas zamoljavamo, draga braćo i sestre da budete oprezni i da ne dozvolite da Vas niko ne evidentira ni ukakve spiskove dok tačno ne znate ko se iza toga krije i šta se želi time postići. Mi, Bosanska Islamska Zajednica raspolažemo već nekim spiskovima gdje su upisani naši ljudi i žene kao sljedbenici sekte Ahmedija, i naša je vjerska dužnost da se prema takvima ophodimo onako kako smo gore spomenuli; posebno u situaciji smrtnih slučajeva, nećemo dozvoliti da se ni jedan sa toga spiska ukopa među muslimane.

Za sve vaše potrebe možete se obratiti našoj Zajednici. Također bi vas zamolili da nas posjetite.

Mnogo selama od Bosanske Islamske Zajednice "Sabur" iz Minhena sa željom da se

vaše i naše patnje što prije okončaju i da se što prije vratimo u našu dragu i slobodnu domovinu. Dragi Allahu, budi nam na pomoći i učvrsti nas u našoj borbi protiv nepravde i nasilja.

AMIN!

Es-selamu alejkum!

Bosanska Islamska Zajednica "Sabur" e.v.

Landsbergerstr. 79

80339 München

Tel: 089-506495

Fax: 089-5004316

LITERATURA:

- 1) *Kur'an* , prijevod od Besim Korkuta
- 2) *Hakikatul-babije vel-behaijje*, Muhsin Abdul-Hamid Menšurat Mektebi Islamijj 1. izdanje 1969.
- 3) *El-Kadijanijje* - Ihsan ilahi Zahir - Idaretu Terdžuman Sunneh - Pakistan, 4 izdane 1972. g.

BILJEŠKE:

- [1] *Tufetu-l-kajsarije* - Ahmed Mirza Gulam, str. 16
- [2] *Tezkiretu Vahju Mukaddes*, Ahmed Mirza Gulam, str. 31.
- [3] *Kitabu-l-Berijjeh*, str. 134, i *Hašijetu erbein*, str. 17.
- [4] *Ajnu-l-ma'rife*, str. 286
- [5] *Siretu-l-Mehdi*, str. 198.
- [6] *Mekatib ahmedijje*, str 13.
- [7] *Hašijetu erbe'in*, 24 str.
- [8] *Džeridetu-l-kadijanije*, El-hikem 28. maj 1908. g.
- [9] Sura El-En'am, 93.
- [10] *Er-redu-l-hasim*, str. 35
- [11] Isto djelo, str. 35
- [12] Kadijanijski list "El-Fadl" oktobar 1922. g., str. 23.
- [13] *Hakikatu-l-babije ve-l-behaije*, Muhsin Abdul-Halim, str.199
- [14] *El-Kadijanije*, Dr. Ahmed Muhammed Avi, Kairo 1969 str. 52
- [15] Sura el-Ahzab, 40 .
- [16] *El-Vahju Muhammdi*, Sejjid Rešid Rida, str. 37.
- [17] Ovaj hadis pored Ahmeda prenosi i Tirmizi.

Nasa djelatnost

1. Povratak muslimana Ku'rani - Kerimu o pravilnom Sunnetu, te njihovo razumijevanje vraćanjem na put DOBRIH SLJEDBENIKA na kojima je Božija milost.
2. Upoznavanje muslimana sa njihovom pravom vjerom sa pozivom da rade po njenim propisima i pravilima te da se ukrase njenom plemenitošću i kulturom, što im osigurava Božiju milost i ostvaruje njihovu sreću i slavu.
3. Upozorenje muslimanima na štetnost politeizma u njegovim različitim oblicima, na izmišljotine - novotarije, tudje misli i netačne hadise koji unakazuju ljepotu islama i stoje na putu njegovog progresa.
4. Oživljavanje slobodne muslimanske misli u okviru islamskih propisa i otklanjanje intelektualnog zaostajanja koje je zahvatilo dosta muslimana, te ih udaljilo od pravog izvora islama.
5. Traženje da se nastavi pravi islamski način života, izgradnja islamskog društva i primjena Božijeg zakona na Zemlji - to je naš poziv i mi tražimo od svih muslimana da podrže ovaj amanet radi budjenja muslimana i proširenja islamske poruke koja je V J E Č N A !